

四庫全書

集部

欽定四庫全書

集部

御選歷代詩餘卷六五

詳校官中書臣潘有為

侍讀臣孫球覆勘

總校官進士臣朱鈐

校對官編修臣盧逵

謄錄監生臣陳覲龍

欽定四庫全書

御選歷代詩餘卷五目錄

四十一字

點絳脣

寇準

趙抃

王禹偁

韓琦

晏幾道

四首

蘇軾 二首

黃庭堅

秦觀

賀鑄

毛滂 四首

舒亶

王安禮

蘇軾

蘓過

周紫芝

謝逸

廖行之

周邦彥

四首

曹組

五首

呂渭老

何籀

二首

欽定四庫全書

御選歷代詩餘
卷五目錄

蔡伸

三首

葉夢得

王庭珪

汪藻

趙師俠

王十朋

三首

趙鼎

二首

朱翌

張元幹 三首

張掄 二首

曾覲

侯寘

曾惇

朱雍

辛棄疾

周必大 二首

姜夔

呂勝已

二首

袁去華

二首

吳琚

趙彥端

四首

管鑑

陸游

張輯

二首

王炎

俞灝

高觀國

二首

史達祖

汪莘

二首

楊澤民

盧炳

吳文英

四首

陳允平 三首

周密

張炎

石孝友 二首

方有聞

趙君舉

王茂孫

吳大有

李銓

寇寺丞

無名氏
二首

舒氏

魏氏

李清照
二首

朱淑真

段克己

欽定四庫全書

御選歷代詩餘
卷五目錄

五

李俊民 二首

元好問 二首

張弘範 二首

程鉅夫

劉敏中

王恽

詹正

白樸

蒲道源

蕭允之

曾允元

張翥

劉基

楊基
二首

楊慎

吳子孝
二首

王慎中

焦竑

王衡

二首

陳繼儒

四首

施紹莘

二首

葉小鸞

二首

張引元

御選歷代詩餘卷五目錄

欽定四庫全書

御選歷代詩餘卷五

四十一
二字

司經局洗馬掌局事兼翰林院修撰加二級
臣黃清奉

百校刊

點絳脣

取江淹詩明珠點絳脣之句一名點櫻桃一名沙
頭雨一名南浦月一名一痕沙雙調四十一字

點絳脣

寇準

小陌輕寒社公雨足東風慢定巢新燕濕雨穿花轉

象尺熏爐拂曉停針線
愁蛾淺飛紅零亂側卧珠簾捲

前調

趙抃

秋氣微涼夢迴明月穿簾幕
井梧蕭索正遶南枝鵲

寶瑟塵生金鴈空零落情無託
鬢雲慵掠不似伊恩薄

前調

王禹偁

雨恨雲愁江南依舊稱佳麗
水村漁市一縷孤煙細

天際征鴻遙認行如綴
平生事此時凝睇誰念凭闌意

前調

韓琦

病起慙慙庭前花影添憔悴
亂紅飄砌滴盡珍珠淚
惆悵春時誰向花前醉
愁無際
武陵凝睇人遠波空翠

前調

晏幾道

明日征鞭又將南陌垂楊折
自憐輕別拚得音塵絕
杏子枝邊倚徧闌干月
依前缺
去年時節舊事無人說

前調

晏幾道

妝席相逢旋勻紅淚歌金縷
意中曾許欲共吹花去
長愛荷香柳色殷橋路
留人住
淡煙微雨好箇雙棲處

前調

晏幾道

花信來時恨無人似花依舊又成春瘦折斷門前柳
天與多情不與長相守分飛後淚痕和酒沾了雙羅袖

前調

晏幾道

湖上西風露花啼處秋香老謝家春草唱得清商好
笑倚蘭舟轉盡新聲了煙波渺暮雲移少一點涼蟾小

前調

杭州

蘇軾

閒倚交牀庾公樓外峰千朵與誰同坐明月清風我

別乘一來有唱終須和還知麼自從添箇風月平分破

前調

蘓軾

月轉烏啼畫堂宮徵生離恨美人愁悶不管羅衣褪

清淚斑斑揮斷柔腸寸嗔人問背燈偷搵拭盡殘妝粉

前調

重九寄
嗣直弟

黃庭堅

濁酒黃花畫簾十日無秋燕夢中相見似作枯禪觀

鏡裏朱顏又減心情半江山遠登高人健寄語東飛鴈

前調

秦觀

醉漾輕舟信流引到花深處
塵緣相誤無計花間住
煙水茫茫回首斜陽暮
山無數亂紅如雨不記來時路

前調

賀鑄

紅杏飄香柳含煙翠
拖金縷水邊朱戶門掩黃昏雨
燭影搖紅一枕傷情緒
歸不去秦樓何處芳草迷歸路

前調

毛滂

柏葉春醅為君競酌
玻璃盞玉簫牙管人意如春暝
髮綠長留不使韶華晚
春無限碧桃花畔笑看蓬萊淺

前調

毛滂

何處君家蟠桃花下瑤池畔日遲煙暝留得春長遠
幾見花開一任年光換今年見明年重見春色如人面

前調

復尋舊
游不果

毛滂

小院重簾那回來處花相向遲遲一晌記得春模樣
昨夜月明應照芙蓉帳空凝望蜂勞蝶攘誰在花枝上

前調

惠山夜月
贈鼓琴者

毛滂

繡嶺橫秋玉螭吹暑迎涼氣碧崖流水流入春蔥指

半倚朱顏微蹙連環珥通深意月明風細分付知音耳

前調

湖上
聞樂

舒 亶

紫霧香濃翠華風轉花隨輦洞天雲暝一片笙歌遠

水殿龍舟憶侍瑤池宴閒庭院夢迴春半雲鬢無人見

前調

縣齋

王安禮

秋晚寒齋藜牀香篆橫輕霧閒愁幾許夢逐芭蕉雨

雲外征鴻似替幽人語歸不去亂山無數斜日荒城鼓

前調

蘓 庠

冰勒輕颺綠痕初漲迴塘水柳州煙際白鷺翹沙觜
筠笠青蓑未減貂蟬貴雲濤裏醉眠蓬底不屬人間世

前調

蘇過

新月娟娟夜寒江靜山銜斗起來搔首梅影橫牕瘦
好箇霜天閒却傳杯手君知否亂鴉啼後歸興濃於酒

前調

桃花落
盡賦此

周紫芝

燕子風高小桃枝上花無數亂溪深處滿地飛紅雨
喚得春來又送春歸去渾無緒劉郎前度空記來時路

前調

謝逸

金氣秋分風清露冷秋期半涼蟾光滿桂子飄香遠
素練寬衣仙仗明飛觀霓裳亂銀橋人散吹徹昭華管

前調

送人歸
新城

廖行之

音信西來匆匆思作東歸計別懷縈繫為箇人留滯
尊酒團圓莫惜通宵醉還來未滿期君至只在初三是

前調

周邦彥

孤館迢迢暮天草露沾衣潤夜來秋近月暈通風信

今日原頭黃葉飛成陣
知人悶故來相趁共結臨岐恨

前調

周邦彥

征騎初停酒行莫放離歌舉
柳汀蓮浦看盡江南路
苦恨斜陽冉冉催人去
空回顧淡煙橫素不見揚鞭處

前調

周邦彥

臺上披襟快風一瞬收殘雨
柳絲輕舉蛛網黏飛絮
極目平蕪應是春歸處
愁凝佇楚歌聲苦村落黃昏鼓

前調

周邦彥

遼鶴歸來故鄉多少傷情地短書不寄魚浪空千里

憑仗桃根說與相思意愁無際舊時衣袂猶有東風淚

前調

詠御射

曹組

秋勁風高暗知斗力添弓面靶分筠幹月到天心滿

白羽流星飛上黃金盃龍沙鴈雲邊驚散厭盡天山箭

前調

曹組

霜落吳江萬畦香稻來場圃夜村春黍草屋寒燈雨

玉粒長腰沉水溫溫注相留住共抄雲子更聽歌聲度

前調 燭

曹組

蜜炬高烧寶刀時翦金花碎照人歡醉也照人無睡
待得灰心陪盡千行淚籠紗裏夜涼如水猶喜長成對

前調

曹組

雲透斜陽半樓紅影明牕戶暮山無數歸鴈愁邊去
十里平蕪花遠重重樹空凝佇故人何處可惜春將暮

前調

曹組

沉醉歸來洞房燈火閒相照夜寒猶峭信意和衣倒

春夢雖多好夢常常少
紗窓曉鳳幃人悄
花外空啼鳥

前調

聖節鼓子詞

呂渭老

扇列紅鸞赭黃日色明
金殿御香惹舊寶仗香風暖
咫尺天顏九奏朝陽管
羣臣宴醉霞凝面
午漏傳宮箭

前調

何籀

春雨濛濛淡煙深鎖
垂楊院暝風輕扇落盡桃花片
春薄倖不來前事思量
徧無由見淚痕如線
界破殘妝面

前調

何籀

鶯踏花翻亂紅堆徑無人埽杜鵑來了梅子枝頭小

撥盡琵琶總是相思調知音少暗傷懷抱門掩青春老

前調

登歷陽
連雲觀

蔡伸

水遶孤城亂山深鎖橫江路帆歸別浦冉冉蘭橈暮

人在天涯鴈背南雲去空凝佇鳳樓何處煙霧迷津渡

前調

蔡伸

香雪飄零暝風著柳籠絲雨惱人情緒春事還如許

寶勒朱輪共結尋芳侶東郊路亂紅深處醉拍黃金縷

前調

梅

蔡伸

綠萼冰花數枝清影橫
疎牖玉肌清瘦夜久輕寒透
恐使孤芳攀折他人手
人歸後斷腸回首只有香盈袖

前調

葉夢得

高柳蕭蕭睡餘已覺西風勁
小牕人靜浙瀝生秋聽
底事多情欲與流年競
殘雲暝墜中牕整獨立芝蘭徑

前調

上元鼓
子詞

王庭珪

玉漏春遲鐵關金鎖星橋夜
暗塵隨馬明月應無價

天半朱樓銀漢星光射更深也翠蛾如畫猶在涼蟾下

前調

汪藻

高柳蟬嘶採菱歌斷秋風起晚雲如髻湖上山橫翠
簾捲西樓過雨涼生袂天如水畫樓十二有箇人同倚

前調

趙師俠

漠漠春陰褪花時候餘寒峭數聲幽鳥喚起簾櫳曉
雲鬢慵梳淡拂春山小情多少亂縈愁抱風裏垂楊裊

前調 醺醺

王十朋

野態芳姿枝頭占得春長久怕鉤衣袖不放攀花手

試問東風花似當時否還依舊謫仙去後風月今誰有

前調

梅

王十朋

雪徑深深北枝貪睡南枝醒暗香疎影孤壓羣芳頂

玉豔冰姿妝點園林景凭闌詠月明溪靜憶昔林和靖

前調

瑞香花

王十朋

欄檻陰沉紫雲呈瑞餘寒凜捲簾歌枕香逼幽人寢

入夢何年廬阜聞名稔風流甚阿誰題品喚作熏籠錦

前調

趙鼎

惜別傷離此生此會無重數故人何處還送春歸去
美酒一杯誰解歌金縷無情緒淡煙疎雨花落空庭暮

前調

趙鼎

香冷金爐夢回鴛帳餘香嫩更無人問一枕江南恨
消瘦休文頓覺春衫褪清明近杏花吹盡薄暮東風緊

前調

朱翌

流水泠泠斷橋橫路梅枝亞雪花飛下渾似江南畫

欽定四庫全書

杜詩卷五

白壁青錢欲買春無價歸來也西風平野一點香隨馬

前調

張元幹

清夜沉沉暗蛩啼處簷花落乍涼簾幙香繞屏山角
堪恨歸鴻情似秋雲薄書難託儘教寂寞忘了前時約

前調

秋社前一日
溪光亭雨

張元幹

山暗秋雲暝鴉接翅啼榕樹故人何處一夜溪亭雨

夢入新涼只道消殘暑還知否燕將雛去又是流年度

前調

張元幹

春曉輕雷采蘋洲上清明雨亂雲遮樹黯淡江村路
今夜歸舟綠潤紅香處遙山暮畫樓何許喚取潮回去

前調

張掄

何處春來惠風初自東郊至柳條花蕊迤邐爭明媚
造化難窮誰曉幽微理都來是自然天地一點沖和氣

前調

賞花

張掄

花滿名園萬紅千翠交相映畫闌幽徑行樂迷芳景
惟有幽人不與浮華競便幽靜興來獨飲花下風吹醒

前調

曾覲

壁月香風萬家簾幙煙如畫
鬧蛾謔柳人似梅花瘦
行樂清時莫惜笙歌奏
更闌後滿斟金斗且醉厭厭酒

前調

侯寘

約莫香來倚闌低瞰花如雪
怨深愁絕瘦似年時節
歲一相逢常是匆匆別
歌壺缺又還吹徹笛裏關山月

前調

曾惇

九日傳杯要攜佳客棲霞去
滿城風雨記得潘郎句

紫菊紅萸何意留儂住愁如許暮煙一縷正在歸時路

前調

梅

朱雍

輕豔盈盈相逢曾向寒溪路惜飄零處無計禁春雨
素影參差人在瓊城步危闌暮年光催度特地香留住

前調

辛棄疾

隱隱輕雷雨聲不受春回護落梅如許吹盡牆邊去
春水無情礙斷溪南路憑誰訴寄聲傳語沒箇人知處

前調

次葛守韻

周必大

報答風光滿傾瓊液休思睡亂鶯聲碎來往甘棠底
太守新詞解釋無窮意高歌起浮雲閒事渾付煙中翠

前調

七夕趙富文席上

周必大

秋夜乘槎客星容到天孫渚眼波微注將謂牽牛渡
見了還非重理霓裳舞雖無誤幾年一遇莫訝周郎顧

前調

姜夔

燕鴈無心太湖西畔隨雲去數峰清苦商略黃昏雨
第四橋邊擬共天隨住今何許凭闌懷古殘柳參差舞

前調

長沙送同官
先歸邵武

呂勝已

滿路梅花為誰開
徧春風萼短亭蕭索
草草傳杯酌

送子先歸我羨遼東鶴
他年約瘦藤芒屨與子同丘壑

前調

呂勝已

一葉扁舟浮家來
向江邊住這回歸去
作個漁樵侶

不挂征帆也莫搖雙櫓
天涯路雲山煙渚總是留人處

前調

登鄧州
城樓

袁去華

樓檻凌風四邊渾是青山
繞水空相照天末歸帆小

家在江南三徑都荒了何時到暗塵撲帽應被淵明笑

前調

袁去華

徙倚虛簷柳陰疎處看飛鳥水平池沼雲影閒相照

點翰舒牋字密蠅頭小還拚了路長山杳寄得愁多少

前調

塗中逢
管倅

吳玘

顛顚天涯故人相遇情如故別離何遽忍唱陽關句

我是行人更送行人去愁無據寒蟬鳴處回首斜陽暮

前調

柳

趙彥端

春到垂楊嫩黃染就金絲軟麗晴新暎湧翠千山遠
為甚年年眉向東風展閒情遣欲歸猶嬾漁笛天將晚

前調

趙彥端

護雨烘晴紫雲縹緲來深院晚寒誰見紅杏梢頭怨
絕代佳人萬里沉香殿光風轉夢餘千片猶恨相逢淺

前調

趙彥端

瓦濕鴛鴦夜深霜重江風冷月華明映清浸梅梢粉
漏斷寒濃惹起當年恨君休問鴈飛欲盡沒箇南來信

前調

趙彥端

雪霽山橫翠濤涌起千重恨砌成愁悶那更梅花褪
鳳管雲笙無不縈方寸丁寧問淚痕羞搵界破香顚粉

前調

管鑑

去歲今朝海棠桃李都開徧今年花晚不恨春恨淺
旋旋花開圖得春長遠且留戀愛花心眼常與花為伴

前調

陸游

採藥歸來獨尋茅店沽新釀暮煙千嶂處處聞漁唱

醉弄扁舟不怕黏天浪江湖上這回疎放作箇閒人樣

前調

瀟湘漁父

張輯

來剪萼絲江頭一陣鳴蓑雨孤篷歸路吹得蘋風暮

短髮蕭蕭笑與沙鷗語休歸去玉龍嘶處邀月過南浦

前調

張輯

帶醉歸時月華猶在吹簫處曉愁情緒忘却匆匆語

客裏風霜詩鬢空如許江南去岸花迎櫓遙隔沙頭雨

前調

崇陽夜次

王炎

雨濕東風誰家燕子穿庭戶孤材薄暮花落春歸去
浪走天涯歸思縈心緒家何處亂山無數不記來時路

前調

俞灝

欲問東君為誰重到江頭路斷橋薄暮香透溪雲度
細草平沙愁入淩波步今何許怨春無語片片隨流去

前調

高觀國

天外青鸞幾時常向人間住斷歌零舞月上闌陰暮
憔悴潘郎不解為花主知何處夢雲愁雨怕向西樓去

前調

高觀國

釣月蓬間載詩却向旗亭醉翠蒲陰外莫放雙鷗起
水佩仙裳灑落煙雲意來相試玉綃新製要寫蓬壺記

前調

夜過西陵橋

史達祖

山月隨人翠蘋分破秋山影釣船歸盡橋外詩心迴
多少荷風不蓋鴛鴦冷西風定可憐潘鬢偏浸秦臺鏡

前調

汪莘

數朶芙蕖嫣然一笑凌清曉謝家池沼秋景偏宜少

氣挾清霜似把羣花小
秋風嫋湘君來了一曲煙波渺

前調

汪莘

曉角霜天畫簾却是春天氣
小園行處雙蝶相隨至
恰向梅邊又向桃邊覷
孜孜地訪蘭尋蕙誰會幽人意

前調 集句

楊澤民

雨歇方塘清圓一一風荷舉
樣舟南浦忘却來時路

醉拍春衫便欲隨君去

一作住

猶回顧小蠻樊素更有留

人處

前調

盧炳

過眼溪山向來都是經行處
驂鸞人去冷落吹簫侶
小立江亭愁對蕙葭浦
無情緒酒杯慵舉閒看江楓舞

前調

吳文英

推枕南牕棟花寒入單紗淺
雨簾不捲空礙調雛燕
一握柔葱香染榴巾汗
音塵斷畫羅閒扇山色天涯遠

前調

吳文英

金井空陰枕痕歷盡秋聲鬧
夢長難曉月樹愁鴉悄

梅壓簷花寒蝶尋香到牕黏了翠池春小波冷鴛鴦覺

前調

吳文英

時霎清明載花不過西園路嫩陰綠樹正是春留處

燕子重來往事東流去征衫貯舊寒一縷淚濕風簾絮

前調

越山見梅

吳文英

春未來時酒携不到千巖路瘦還如許晚色天寒處

無限新愁難對風前語行人去暗消春素橫笛空山暮

前調

陳允平

蒼葉顰愁淚痕紅透蘭襟潤鴈聲將近須帶平安信
獨倚江樓落葉風成陣情懷悶蝶隨蜂趁滿地黃花恨

前調

陳允平

分袂情懷快風一箭輕帆舉暮煙雲浦芳草斜陽路
輸與閒鷗朝暮潮來去空凝佇小蠻樊素金屋春深處

前調

陳允平

鶯語愁春海棠風裏臉脂雨酒杯慵舉閒撲亭前絮
漠漠斜陽截斷愁來路凭闌佇滿懷離苦分付南樓鼓

前調

訪年存叟
南將詞隱

周密

午夢初回捲簾盡放春愁去晝長無侶自對黃鸝語

絮影蘋香春在無人處移舟去未成新句一硯梨花雨

前調

芍藥

張炎

獨殿春光此花開後無花了丹青人巧不許芳心老

密影翻階曾為尋詩到竹西好采香歌杳十里紅樓小

前調

石孝友

霽景澄秋晚風吹盡朝來雨夕陽煙樹萬里山光暮

一帶長川自在流
今古人何處月波橫
素冷浸蕙葭浦

前調

石孝友

醉倚危檣望中歸
思生天際山腰渚
尾幾簇漁樵市
帆落西風一段蘆
花水八千里錦書
欲寄新鴈曾來未

前調

方有聞

七里灘邊江光漠
漠山如戟漁舟一
葉徑入寒煙碧
笑我塵勞羞對雉
臺石身如織年年
行役魚鳥渾相識

前調

趙君舉

野岸孤舟斷橋明月穿流水
鴈聲嘹唳雙落行人淚
去歲吾家曾插黃花醉
今那是杖藜西指看即成千里

前調蓮房

王茂孫

折斷煙痕翠蓬初離鴛鴦浦
玉纖相妬早被專房誤
乍脫青衣猶著輕羅護
多情處傷心一縷都為相思苦

前調

送李
琴泉

吳大有

江上旗亭送君還是逢君處
酒闌呼渡雲壓沙鷗暮
漠漠蕭蕭香凍梨花雨
添愁緒斷腸柔櫓相逐寒潮去

前調

牡丹

李銓

十二紅闌帝城穀雨初晴後粉拖香逗易惹春衫袖
把酒題詩遐想歡如舊花知否故人消瘦長憶同攜手

前調

失名

寇寺丞

春睡夢騰覺時鴛被堆香煖起來猶嬾獨自情何限
深院日斜人靜花陰轉柔腸斷凭高不見芳草連天遠

前調

無名氏

燕子依依曉來總為誰歸去淡雲生處已覺賓鴻度

淺笑低顰便面機中素乘鸞女瑣牕瓊宇會有明年暑

前調

無名氏

美滿生離據鞍兀兀離腸痛舊歡新寵變作高唐夢

回首孤城依約青山擁西風送戍樓寒重初品梅花弄

前調

宋媛舒氏

獨自臨池悶來強把闌干凭舊愁新恨耗却年時興

驚散魚潛煙斂風初定波心靜照人如鏡少箇年時影

前調

宋媛魏氏

波上清風畫船明月人歸後漸消殘酒獨自凭闌久
聚散匆匆此恨年年有重回首淡煙疎柳隱隱蕪城漏

前調

宋媛
李清照

蹴罷秋千起來慵整纖纖手露濃花瘦薄汗輕衣透
見有人來攣剗金釵溜和羞走倚門回首却把青梅嗅

前調

李清照

寂寞深閨柔腸一寸愁千縷惜春春去幾點催花雨
倚徧闌干祇是無情緒人何處連天芳樹望斷歸來路

前調

宋媛
朱淑真

風勁雲濃暮寒無奈侵羅幙
髻鬟斜掠呵手梅妝薄
少飲清歡銀燭花頻落
憑蕭索春工已覺點破梅香萼

前調

晨起書
所見

段克己

愛酒淵明無錢休對黃花語
一杯誰舉寂寞空歸去
屋上青山山上行雲度
悠然處是中真趣欲寫還無句

前調

重陽菊
問小酌

李俊民

秋樹風高可憐憔悴門前柳
白衣去後閒却持杯手

一笑相逢落帽年時友君知否南山如舊人比黃花瘦

前調

南齋
牡丹

李俊民

花恨開遲為花遲後為花惱問花開了却恨花開早
人貌年年不似花長好還知道年年人貌却笑花先老

前調

元好問

繡佛長齋半生枉伴蒲團過酒壚橫卧一蹴虛空破
頗笑張顛自謂無人和還知麼醉鄉天大少箇神仙我

前調

元好問

醉裏春歸綠意猶唱留春住問春何處花落鶯無語
渺渺吟懷漠漠煙中樹西樓暮一簾疎雨夢裏尋春去

前調

張弘範

春日前村一枝香徹江頭路月明風度清煞西湖句
昨夜幽歡夢裏誰呼去愁如許覺來無語青鳥啼芳樹

前調

張弘範

獨上高樓恨隨春草連天去亂山無數隔斷巫陽路
信杳梅花惆悵人何處愁無語野鴉煙樹一點斜陽暮

前調

送王
蓋臣

程鉅夫

綠鬢青雲王郎故是乘驄侶
阿龍風度想在烏衣住
帶得春來又共春歸去
江頭路美人何處官柳吹風絮

前調

劉敏中

短夢驚回北牕一陣芭蕉雨
雨聲還住斜日明高樹
起望行雲送雨前山去
山如霧斷虹猶怒直入山深處

前調

送董
秀才

王惲

楊柳青青玉闌門外三千里
秦山渭水未是銷魂地

欽定四庫全書

新選忠代詩集
卷五

坦卧東牀恐減風雲氣功名際願君著意莫搵春閨淚

前調

墨本
水仙

詹正

綳袂啼香為誰一滴春心碎淡黃輕翠不似當時態
東洛緇塵依舊交情耐空憔悴玉人何在細雨疎煙外

前調

白樸

翠水瑤池舊游曾記飛瓊伴玉笙吹斷總作空花觀
夢裏關山淚浥羅襟滿離魂亂一燈幽幔展轉秋宵半

前調

賦野
茶蘼

蒲道源

玉蕊瓊琬繞籬盈樹知誰種碧雲堆重化作飛瓊洞
勾挽春衫裊裊珠纓弄風微動行人飛鞚著袖清香送

蕭允之

前調

記夢

花徑相逢眼期心諾情如昨怕人疑著佯弄秋千索
知有而今何似當初莫愁難託雨鈴風鐸夢斷燈花落

曾允元

前調

一夜東風枕邊吹散愁多少數聲啼鳥夢轉紗牕曉
來是春初去是春將老長亭道一般芳草只有歸時好

前調

舟行
書見

張翥

風起雲飛蘭舟競入橫塘住惱人何處隔岸花籠霧
一水盈盈難送淩波步空相覩正如牛女隔斷銀河路

前調

劉基

昨夜三更井梧葉上聞鳴雨夢魂歸去不到思量處
為問燈花底向愁人吐花無語星河滿樹白髮三千縷

前調

鶯

楊基

何處飛來梅梢一點黃金小
弄晴催曉喉舌如簧巧

春夢須臾正繞江南道空相惱被他驚覺綠徧池塘草

前調

桃紅白

楊基

淺碧深紅是誰分染桃花片兩枝爭豔青粉牆頭見
深是娉婷淺更多嬌倩昭陽殿玉環飛燕各自東風面

前調

楊慎

雪暗江郊小燈孤館長宵半真珠醉豔凍作紅冰片
曉夢驚回畫角聲初斷南枝畔梅花開徧誰見春風面

前調

吳子孝

花信風輕為花日日芳游早曲溪繚繞歸棹情多少

日映清波良夜春寒小長空皎歌聲縹緲醉裏愁如埽

前調

吳子孝

幾日微寒霏霏小雨初晴霽青山迢遞杖屨沾嵐翠

纔試春衣暝日醺人醉禽聲碎草痕都細官柳黃金綴

前調

光澤寺

王慎中

門掩青山空庭竹影門長埽一溪斜繞水氣香花草

木石幽殊禽鳥傳昏曉誰知道白雲鎖了也有人來到

前調

壽徐松山

焦竑

軒冕文章肯教換却尊前醉脚根如繫不到長安市

若問生涯笑指深山處雲鋪翠虬龍滿地有箇松千樹

前調

送陳仲醇

王衡

濕夢沉沉芭蕉雨響燈花卸月兒來也人又隨潮下

最怕登高醉面秋風灑紅堪把茱萸看罷半刻重陽假

前調

王衡

刻燭呼盧西風乍急簷頭鐵故人深熱依舊朦朧別

欽定四庫全書

蘇選歷代詩餘
卷五

三六

山淡雲濃漸短
慙兒髮楊花月溪橋雨滑坐到微鐘歇

前調

題金
石齋

陳繼儒

有箇人家子雲草閣相如壁室虛生白雲氣堆金石

經案茶牀一織香煙纖風無力牀頭樹色遮斷游人屐

前調

陳繼儒

涼雨初晴放舟獨往游三泖寺門僧少一點鷗來攪

返入空山竹底柴門小杯兒倒燈前句好雪裏留鴻爪

前調

天池

陳繼儒

鐘鼓沉沉寺門落葉歸僧獨晚鴉初宿影亂牆頭竹

長嘯風前清籟飛空谷松如沐炊煙斷續杯底秋山綠

前調

題泖橋
澄鑒寺

陳繼儒

煙水茫茫溪雲半掩堆僧屋闌干數曲窈窕藏花木

三度風吹送我來投宿西牕竹月明茶熟橘柚牆頭綠

前調

次眉
公韻

施紹莘

寺枕荒塘時時白浪吞僧屋橋頭路曲廢井當枯木

如此幽閒恰好閒人宿牕敲竹酒醒茶熟天水鸚哥綠

欽定四庫全書

仙選愚代詩餘
卷五

五

前調

題雪圖

施紹莘

水墨江天濛濛野色微微樹儘堪題句風雪溪橋路

一點人行正在模糊處衝寒去打頭狂絮人遠天涯暮

前調

詠採蓮女

明媛

葉小鸞

粉面新妝淡紅衫子輕羅扇昨宵鄰伴來約蓮塘玩
棹泛扁舟影共蓮花亂深深見綠楊風晚空載閒愁返

前調

葉小鸞

竹徑深深流雲曉度羅幃靜雨絲幾陣滿地桐花冷

濕翠侵眉纖暈蒼苔影看無盡倚屏人映一片瀟湘景

前調

明媛
張引元

時節朱明暝風初入芭蕉院歸期日盼鬆盡黃金釧
病起南樓愁覩將雛燕無由見白雲瞻戀十二闌干徧

欽定四庫全書

卷五

御選歷代詩餘卷五

欽定四庫全書

御選歷代詩餘卷六目錄

四十二字

浣溪沙上

韓偓

張曙

南唐李璟

南唐李煜

韋莊

二首

薛昭蘊
四首

毛文錫

歐陽炯
二首

顧夔

閻選

毛熙震
二首

李珣
二首

孫光憲
五首

張泌二首

晏殊五首

歐陽修六首

晏幾道十二首

張先二首

蘓軾十四首

黃庭堅二首

秦觀三首

晁補之

賀鑄
十首

毛滂
十二首

李元膺

舒亶
三首

趙令時
四首

米芾

蘇庠

周邦彥

六首

曹組

陳克

向子諲

蔡伸

葉夢得

趙師俠

趙鼎

朱敦儒

曾覲

曾惇

辛棄疾

六首

御選歷代詩餘卷六目錄

欽定四庫全書

御選歷代詩餘卷六
二十

司經局洗馬掌局事兼翰林院修撰加二級
臣王奕清奉

旨校刊

浣溪沙
上

沙或作紗或名浣紗溪一名小庭花一名滿院春
一名廣寒秋一名霜菊黃一名踏花天雙調四十
二字

浣溪沙

韓偓

欽定四庫全書

御選歷代詩餘

一

宿醉離愁慢髻鬟六銖衣薄惹輕寒慵紅悶翠掩青鸞
羅襪況兼金齒雪肌仍是玉琅玕骨香腰細更沉
檀

前調

張曙

枕障熏爐冷繡幃二年終日苦相思杏花明月爾應知
天上人間何處去舊歡新夢覺來時黃昏微雨畫簾
垂

前調

南唐李璟

風壓輕雲貼水飛
乍晴池館燕爭泥
沈郎多病不勝衣
沙上未聞鴻雁信
竹間時聽鷓鴣啼
此情惟有落花知

前調

南唐李煜

轉燭飄蓬一夢歸
欲尋陳迹悵人非
天教心願與身違
待月池臺空逝水
蔭花樓閣漫斜暉
登臨不惜更沾衣

前調

韋莊

惆悵夢餘山月斜孤燈照壁背牕紗小樓高閣謝娘家
暗想玉容何所似一枝春雪凍梅花滿身香霧簇朝
霞

前調

韋莊

夜夜相思更漏殘傷心明月凭闌干想君思我錦衾寒
咫尺畫堂深似海憶來惟把舊書看幾時攜手入長
安

前調

薛昭蘊

粉上依稀有淚痕
郡庭花落欲黃昏
遠情深恨與誰論
記得去年寒食日
延秋門外卓金輪
日斜人散暗銷魂

前調

薛昭蘊

握手河橋柳似金
蜂鬚輕惹百花心
蕙風蘭思寄清琴
意滿便同春水滿
情深還似酒杯深
楚煙湘月兩沉沉

前調

薛昭蘊

江館清秋纜客船故人相送夜開筵
麝烟蘭燄簇花鈿
正是斷魂迷楚雨不堪離恨咽湘絃
月高霜白水連天

前調

薛昭蘊

紅蓼灘頭秋正涼
印沙鷗跡自成行
整鬟飄袖野風香
不語含顰深浦裏
幾回愁煞棹船郎
燕歸帆盡水茫茫

前調

毛文錫

七夕年年信不違
銀河清淺白雲微
蟾光鵲影伯勞飛
每恨蟬蛄憐婺女
幾回嬌妬下鴛機
今宵嘉會兩依依

前調

歐陽炯

天碧羅衣拂地垂
美人初著更相宜
宛風如舞透香肌
獨坐含顰吹鳳竹
園中緩步折花枝
有情無力泥人時

前調

歐陽炯

落絮殘鶯半日天
玉柔花醉只思眠
惹窓映竹滿爐煙
獨掩畫屏愁不語
斜歌瑤枕髻鬟偏
此時心在阿誰邊

前調

顧覓

紅藕香寒翠渚平
月籠虛閣夜蛩清
塞鴻驚夢兩牽情
寶帳玉爐殘麝冷
羅衣金縷暗塵生
小牕孤燭淚縱橫

前調

閻選

寂寞流蘓冷繡茵倚屏山枕惹香塵小庭花露泣濃春
劉阮信非仙洞客姮娥終是月中人此生無路訪東鄰

前調

毛熙震

春暮黃鶯下砌前水晶簾影露珠懸綺霞低映晚晴天
弱柳萬條垂翠帶殘紅滿地碎香鈿蕙風飄蕩散輕煙

前調

毛熙震

雲薄羅裾綬帶長滿身新裊瑞龍香翠鈿斜映豔梅妝
佯不覷人空婉約笑和嬌語太猖狂忍教牽恨暗形
相

前調

李珣

晚出閒庭看海棠風流學得內家妝小釵橫戴一枝芳
琢玉梳斜雲鬢膩縷金衣透雪肌香暗思何事立殘
陽

前調

李珣

紅藕花香到檻頻，
可堪閒憶似花人。
舊歡如夢絕音塵。
翠疊畫屏山隱隱，
冷鋪紋簟水粼粼。
斷魂何處一蜚新。

前調

孫光憲

蓼岸風多橘柚香，
江邊一望楚天長。
片帆煙際閃孤光。
目送征鴻飛杳杳，
思隨流水去茫茫。
蘭紅波碧憶瀟湘。

前調

孫光憲

蘭沐初休曲檻前
暖風遲日洗頭天
濕雲新斂未梳蟬
翠袂半將遮粉臆
寶釵長欲墜香肩
此時模樣不禁憐

前調

孫光憲

風遞殘香出繡簾
團窠金鳳舞檐檐
落花微雨恨相兼
何處去來狂太甚
空推宿酒醒無厭
爭教人不別猜嫌

前調

孫光憲

輕打銀箏墜燕泥斷絲高眉畫樓西花冠閒上午墻啼
粉籜半開新竹徑紅苞落盡舊桃蹊不堪終日閉深
閨

前調

孫光憲

烏帽斜欹倒佩魚靜街偷步訪仙居隔牆應認打門初
將見客時微掩斂得人憐處且生疎低頭羞問壁間
書

前調

張泌

鈿轂香車過柳堤
樺煙分處馬頻嘶
為他沉醉不成泥
花滿驛亭香露細
杜鵑聲斷玉蟾低
含情無語倚樓西

前調

張泌

馬上凝情憶舊游
照花淹竹小溪流
鈿箏羅幕玉搔頭
早是出門長帶月
可堪分袂又經秋
晚風斜日不勝愁

前調

晏殊

一曲新詞酒一杯去年天氣舊亭臺夕陽西下幾時迴
無可奈何花落去似曾相識燕歸來小園香徑獨徘徊

前調

晏殊

紅蓼花香夾岸稠綠波春水向東流小船輕舫好追遊
漁父酒醒重撥棹鴛鴦飛去却回頭一杯消盡兩眉愁

前調

晏殊

小閣重簾有燕過晚花紅片落庭莎曲闌干影入涼波
一霎好風生翠幙幾回疎雨滴圓荷酒醒人散得愁
多

前調

晏殊

宿酒纔醒厭玉卮水沉香冷嬾熏衣早梅先綻日邊枝
寒雪寂寥初散後春風悠颺欲來時小屏閒放畫簾
垂

前調

晏殊

楊柳陰中駐彩旌
菱荷香裏勸金觥
小詞流入管絃聲
只有醉吟寬別恨
不須朝暮促歸程
兩條煙葉繫人
情

前調

歐陽修

湖上朱橋響畫輪
溶溶春水浸春雲
碧琉璃滑淨無塵
當路游絲繁
醉客隔花啼鳥喚
行人日斜歸去奈何
春

前調

歐陽修

紅粉佳人白玉杯
木蘭船穩棹歌催
綠荷風裏笑聲來
細雨輕煙籠草樹
斜橋曲水遶樓臺
夕陽高處畫屏開

前調

歐陽修

二月春光厭落梅
仙源歸路碧桃催
渭城絲雨勸離杯
歡意似雲真薄倖
客鞭搖柳正多才
鳳樓人待錦書來

前調

歐陽修

堤上游人逐畫船
拍堤春水四垂天
綠楊樓外出秋千
白髮戴花君莫笑
六么催拍盞頻傳
人生何處似尊

前

前調

秋千

歐陽修

雲曳香絲綠柱高
絳旗風颭出花梢
一梭紅帶往來拋
東素美人羞不打
却嫌裙慢褪纖腰
日斜深院影空
搖

前調

歐陽修

香靨凝羞一笑開
柳腰如醉暖相挨
日長人困下樓臺
照水有情聊整鬢
倚闌無語更兜鞵
眼邊牽恨懶歸來

前調

晏幾道

臥鴨池頭小苑開
暄風吹盡北枝梅
長莎軟路幾縈回
靜選綠陰鶯有意
漫隨游騎絮多才
去年今日憶同來

前調

晏幾道

二月風和到碧城萬條千縷綠相迎舞煙弄日過清明
妝鏡巧睂偷葉樣歌臺妍曲借枝名晚秋霜霰莫無
情

前調

晏幾道

白紵春衫楊柳鞭碧蹄驕馬杏花韉落英飛絮冶游天
南陌暖風吹舞榭東城涼月照歌筵賞心多是酒中
仙

前調

晏幾道

已折鞦韆不奈閒却隨蝴蝶到花間
旋尋雙葉插雲鬟
幾褶湘裙煙縷細一鈎羅襪素蟾彎
綠牋紅豆憶前歡

前調

晏幾道

團扇初隨碧簟收畫簾歸燕尚遲留
靨朱眉翠喜清秋
風意未應迷狹路燈痕猶自記高樓
露花煙葉與人愁

前調

晏幾道

唱得紅梅字字香
柳枝桃葉盡深藏
遏雲聲裏送離觴
纔聽便拚衣袖濕
欲歌先倚黛眉長
曲終敲損燕釵梁

前調

晏幾道

小杏春聲學浪仙
疎梅清唱替哀絃
似花如雪繞瓊筵
顚粉月痕妝罷後
臉紅蓮
豔酒醒前
今年新調得人憐

前調

晏幾道

浦口蓮香夜不收
水邊風裏欲生秋
棹歌聲細不驚鷗
涼月送歸思
往事落英飄去起
新愁可堪題葉寄東流

前調

晏幾道

銅虎分符領外臺
五雲深處彩旌來
春隨紅旆過長淮
千里袴襦添舊暖
萬家桃李間新栽
使星回首是三台

前調

晏幾道

翠閣朱闌倚處危夜涼閒捻彩簫吹曲中雙鳳已分飛
綠酒細傾消別恨紅牋小寫問歸期月華風意似當時

前調

晏幾道

午醉西橋夕未醒雨花淒斷不堪聽歸時應減鬢邊青
衣化客塵今古道柳含春意短長亭鳳樓爭見路傍情

前調

晏幾道

家近旗亭酒易沽
花時常得醉工夫
伴人歌笑嬾妝梳
戶外綠楊春繫馬
牀前紅燭夜呼盧
相逢不解有情無

前調

張先

樓倚江邊百尺高
暮煙收處見歸橈
幾時期信似春潮
花片片飛風弄葉
柳陰陰下水平橋
日長人去又經宵

前調

張先

水滿池塘花滿枝
亂香深處語黃鸝
東風輕軟弄簾幃
日正長時春夢短
燕交飛處柳煙低
玉牕紅子鬪棋時

前調

蘇軾

學畫鴉兒正妙
少年陽城下
蔡困嫣然憑君
莫唱短姻緣
霧帳吹笙香嫋嫋
霜庭按舞月娟娟
曲終紅袖落雙纏

前調

蘇軾

晚菊花前斂翠蛾
按花傳酒緩聲歌
柳枝團扇別離多
擁髻淒涼論舊事
曾隨織女度銀梭
當年今夕奈愁何

前調

蘇軾

風捲珠簾自上鉤
蕭蕭亂葉報新秋
獨攜纖手上高樓
缺月向人舒窈窕
三星當戶照綢繆
香生霧縠見纖柔

前調

蘇軾

覆塊青青麥未蘇江南雲葉暗隨車
臨臯煙景世間無
雨脚半收簷斷綫霜林初下瓦
跳珠歸來水顚亂黏鬚

前調 詠橘

蘇軾

菊暗荷枯一夜霜新苞綠葉照林光
竹籬茅舍出青黃
香霧噀人驚半破清泉流齒怯
初嘗吳姬三日手猶香

前調

蘇軾

旋抹紅妝看使君三三五五棘籬門相挨踏破茜羅裙
老幼扶攜收麥社烏鳶翔舞賽神村道逢醉叟臥黃
昏

前調

蘇軾

簌簌衣巾落棗花村南村北響繅車牛衣古柳賣黃瓜
酒困路長惟欲睡日高人渴漫思茶敲門試問野人
家

前調

蘇軾

道字嬌訛苦未成未應春閣夢多情朝來何事綠鬟傾
綵索身輕長趁燕紅牕睡重不聞鶯困人天氣近清
明

前調

蘇軾

羅襪空飛洛浦塵錦袍不見謫仙人攜壺藉草亦天真
玉粉輕黃千歲藥雪花浮動萬家春醉歸江路野梅
新

前調

蘇軾

細雨斜風作曉寒
淡煙疎柳媚晴灘
入淮清路漸漫漫
雪沫乳花浮午盞
蓼芽蒿笋試春盤
人間有味是清歡

前調

徐州藏春閣

蘇軾

慚媿今年二麥豐
千畦翠浪舞晴空
化工餘力染天紅
歸去山公應倒載
攔街拍手笑兒童
甚時名作錦熏籠

籠

前調

揚州賞芍藥櫻桃

蘇軾

芍藥櫻桃兩鬪新
名園高會送芳辰
洛陽初夏廣陵春
紅玉半開菩薩面
丹砂穠點柳枝脣
尊前還有箇中人

前調

方響

蘇軾

花滿銀塘水漫流
犀槌玉板奏涼州
順風環珮過秦樓
遠漢碧雲輕漠漠
今宵人在鵲橋頭
一聲敲徹絳河秋

前調

端午

蘇軾

入袂輕風不破塵玉簪犀壁醉佳辰一番紅粉為誰新
團扇祇堪題往事新絲那解繫行人酒闌滋味似殘
春

前調

黃庭堅

飛鵲臺前暈翠蛾千金新買帶青螺最難如意為情多
幾處淚痕留翠袖一春愁思近橫波遠山低盡不成
歌

前調

漁父

黃庭堅

新婦磯頭眉黛愁
女兒浦口眼波秋
驚魚錯認月沉鉤
青箬笠前無限事
綠蓑衣底一時休
斜風細雨轉船頭

前調

秦觀

漠漠輕寒上小樓
曉陰無賴似窮秋
淡煙流水畫屏幽
自在飛花輕似夢
無邊絲雨細如愁
寶簾閒掛小銀鉤

前調

秦觀

錦帳重重捲暮霞
屏風曲曲闌紅牙
恨人何事苦離家
枕上夢魂飛不去
覺來紅日又西斜
滿庭芳草襯殘花

前調

秦觀

青杏園林煮酒香
佳人初試薄羅裳
柳絲搖曳燕飛忙
乍雨乍晴花易老
閒愁閒悶日偏長
為誰消瘦減容光

前調

廣陵被
召留別

晁補之

帳飲都門春浪驚東飛身與白鷗輕淮山一點眼初明
誰使夢回蘭芷國却將春去鳳凰城檣烏風轉不勝
情

前調

賀鑄

金斗城南載酒頻東西飛觀跨通津漾舟聊送雨餘春
桃李趣行無算酌桑榆收得自由身酣歌一曲太平
人

前調

賀鑄

落日逢迎朱雀街，共乘青舫度秦淮。
笑拈飛絮胃金釵，洞口華燈歸別館。
碧梧紅藥掩蕭齋，願隨明月入君懷。

前調

賀鑄

舊說山陰禊事修，漫書繭紙叙清游。
吳門千載更風流，遶郭煙花連茂苑。
滿船絲竹載涼州，一標爭勝錦纏頭。

前調

賀鑄

閒抱琵琶舊譜尋四絃聲怨却沉吟燕飛人靜畫堂陰
欹枕有時成雨夢隔簾無處說春心一從燈夜到如

今

前調

賀 鑄

秋水斜陽遶綠陰平山隱隱隔橫林幾家村落幾聲砧
記得西樓凝醉眼昔年風物似如今只無人與共登

臨

前調

賀 鑄

煙柳春梢蘸暈黃
井欄風綽小桃香
覺時簾幙又斜陽
望處定無千里眼
斷來能有幾回腸
少年禁取恁淒涼

前調

賀鑄

鼓動城頭啼暝鴉
過雲時送雨些些
嫩涼如水逗窓紗
弄影西廂侵戶月
分香東畔拂牆花
此時相望抵天涯

前調

賀鑄

樓角紅銷一縷霞
澹黃楊柳帶栖鴉
玉人和月折梅花
笑撚粉香歸繡戶
半垂羅幙護窓紗
東風寒似夜來些

前調

賀鑄

鸚鵡驚人促下簾
碧紗如霧隔香奩
雪兒窺鏡晚蛾纖
烏鵲橋邊河絡角
鴛鴦樓外月西南
門前嘶馬弄金銜

前調

賀鑄

宮錦袍熏水麝香越紗裙染鬱金黃薄羅依約見明妝
繡陌不逢攜手伴綠窓誰是畫眉郎春風十里斷人腸

前調

毛滂

銀字笙簫小小童梁州吹過柳橋風阿誰勸我玉杯空
小醉何須眠錦瑟夜歸不用照紗籠畫船簾捲月明
中

前調

宴太守
張內翰

毛滂

碧霧朦朧鬱寶熏和風搖曳舞簾旌花間千騎兩朱輪
金馬天才文作錦玉堂仙骨氣如冰湖山何似使君

清

前調

新春
微雪

毛滂

謝女清吟壓郢樓樓前風轉柳花球學成舞態却多羞
半落瓊瑤天又惜稍侵桃李蝶應愁酒家先當翠雲
裘

前調

仲冬見花
塢櫻桃花

毛滂

小園韶光不待邀早通消息與含桃晚來芳意半寒梢
含笑不言春淡淡試妝未徧雨蕭蕭東家小女可憐
嬌

前調

上元游
靜林寺

毛滂

花市東風卷笑聲柳溪人影亂于雲梅花何處暗香聞
露濕翠雲裘上月燭搖紅錦帳前春瑤臺有路漸無
塵

前調

尉園
觀梅

毛滂

曾向瑤臺月下逢為誰回首矮牆東春風吹酒退顚紅
庾嶺殷勤通遠信梅花瀟灑有仙風晚香多在玉杯

中

前調

寒食初晴對酒

毛滂

小雨初收蝶做團和風輕拂燕泥乾秋千院落落花寒
莫對清尊追往事更催新火續餘歡一春心緒倚闌

干

前調

寒食初晴見牡丹

毛滂

魏紫姚黃欲占春不教桃杏見清明殘紅吹盡恰纔晴
芳草池塘新漲綠官橋楊柳半拖青秋千院落管絃
聲

前調

武康社日

毛滂

碧戶朱牕小洞房玉醅新壓嫩鵝黃半青橙子可憐香
風露滿簾清似水笙簧一片醉為鄉芙蓉繡冷夜初
長

前調

毛滂

本是青門學灌園生涯渾在亂山前一犁春雨種瓜田
別後倩雲遮鶴帳來時和月寄漁船傍人莫做長官
看

前調

毛滂

煙柳風蒲冉冉斜小牕不用著簾遮載歸山影轉灣沙
略約斷時分岸色蜻蜓立處過汀花此情此水共天
涯

前調

毛滂

濫濫金波暖做春疎煙柳瘦于人柳邊半醉不勝情
未解畫船閒待月緩歌金縷細留雲將雲帶月入東
門

前調

李元膺

飲散蘭堂月未中驂騑驕簇絳紗籠玳簪促坐客從容
已醉人間千日酒賜來天上密雲龍蓬山清興欲乘
風

前調

舒亶

燕外青樓已禁煙
小寒猶自薄勝綿
畫橋紅日下鞦韆
惟有尊前芳意在
應須沉醉倒花前
綠牕還是五更

天

前調

舒亶

金縷歌殘紅燭稀
梁州舞罷小鬟垂
酒醒還是獨歸時
畫棟日高來語燕
綺牕風暖度游絲
幾多綠葉上青

枝

前調

對棋

舒亶

黑白紛紛小戰爭幾人心手鬪縱橫誰知勝處本無情
謝傅老來思別墅杜郎閒去憶塵兵何妨談笑下聊
城

前調

趙令時

槐柳春餘綠漲天酒旗高插夕陽邊誰家牆裏笑鞦韆
往事不堪樓上看新愁多向曲中傳此情銷得是何
年

前調

趙令時

少日懷山老住山一官休務得身閒幾年食息白雲間
似我樂來真是少見人忙處不相關養真高靜出塵
寰

前調

王晉卿筵上

趙令時

風急花飛晝掩門一簷殘雨滴黃昏便無離恨也銷魂
翠被任熏終不暖玉杯慵舉幾番溫箇般情事與誰

論

前調

劉平叔家妓

趙令時

穩小弓鞋三寸羅歌脣清韻一櫻多燈前香豔總橫波
指下鳴琴清香渺掌中回旋小婆娑明朝歸路奈情
何

前調

米芾

日射平溪玉宇中雲橫遠渚岫重重野花猶向澗邊紅
靜看沙頭魚入網閒支藜杖醉迎風小春天氣惱人
濃

前調

題畫

蘇庠

水榭風微玉枕涼
牙牀角簾藕花香
野塘煙雨罩鴛鴦
紅蓼渡頭青嶂遠
綠蘋波上白鷗雙
淋浪淡墨水雲鄉

前調

周邦彥

翠葆參差竹徑成
新荷跳雨碎珠傾
曲闌斜轉小池亭
風約簾衣歸燕急
水搖扇影戲魚驚
柳梢殘日弄微晴

前調

周邦彥

欽定四庫全書

御選歷代詩餘
卷六

二十七

日射歌紅蠟帶香風乾微汗粉襟涼碧綃對捲簾紋光
自翦柳枝明畫閣戲拋蓮葯種橫塘長亭無事好思
量

前調

周邦彥

爭挽桐花兩鬢垂小妝弄影照清池珠簾踏襪趁蜂兒
跳脫添金雙腕重琵琶破撥四絃悲夜寒誰肯翦春
衣

前調

周邦彥

雨過殘紅濕未飛
疎籬一帶透斜暉
游蜂釀蜜竊香歸
金屋無人風竹亂
夜篝盡日水沉微
一春須有憶人時

前調

周邦彥

水漲魚天拍柳橋
雲鳩拖雨過江皋
一番春信入東郊
閒碾鳳團消短夢
靜看燕子壘新巢
又移日影上花梢

前調

周邦彥

欽定四庫全書

御選歷代詩餘
卷六

二十六

小院閒窓春色深
重簾未捲影沉沉
倚樓無語理瑤琴
遠岫出雲催薄暮
細風吹雨弄輕陰
梨花欲謝恐難禁

前調

曹組

柳絮池臺淡淡風
碧波花嶼小橋通
雲連麗宇倚晴空
芳草綠楊人去住
短牆幽徑燕西東
攀條弄蕊得從容

前調

陳克

淺畫香膏拂紫絲牡丹花重翠雲偏手按梅子並香肩
病起心情終是怯倦來體態不勝憐旋移鍼線小姑

前

前調

向子諲

壁月光中玉漏清小梅疎影水邊明似梅人醉月西傾
梅欲黃時朝暮雨月重圓處短長亭舊愁新恨若為
情

前調

五月
西湖

蔡伸

雙鳳雷文拂手香青紗衫子澹梳妝水姿綽約自生涼
虛掉玉釵驚翡翠緩移蘭棹趁鴛鴦鬢髮風亂綠雲
長

前調

重陽

葉夢得

小雨初回昨夜涼繞籬新菊已催黃碧雲無際卷蒼茫
千里斷鴻供遠目十年芳草挂愁腸緩歌聊與送清
觴

前調

趙師俠

雪絮飄池點綠漪舞風游漾燕交飛陰陰庭院日遲遲
一縷水沉香散後半甌新茗味回時脩閒萬事總忘
機

前調

趙鼎

濫濫春嬌入眼波勸人金盞緩笙歌不禁粉淚搵香羅
暮雨朝雲相見少落花流水別離多寸腸爭奈此情
何

前調

朱敦儒

雨濕清明烟火殘
碧溪橋外燕泥寒
日長獨自倚闌干
脫簾修篁初散綠
褪花新杏未成酸
江南春好與誰看

前調

櫻桃

曾覲

穀雨郊園喜弄晴
滿林璀璨綴繁星
筠簾新採絳珠傾
樊素扇邊歌未發
葛洪爐內藥初成
金盤乳酪齒流冰

前調

曾惇

無數春山展畫屏無窮煙柳照溪明
花枝缺處小舟橫
紫禁正須紅藥句清江莫與白鷗盟
主人元自是仙卿

前調

辛棄疾

北壟田高踏水頻西溪禾早已嘗新
隔牆沽酒煮纖鱗
忽有微涼何處雨更無留影霎時雲
賣瓜人過竹邊村

前調

辛棄疾

寸步人間百尺樓孤城春水一沙鷗天風吹樹幾時休
突兀趁人山石很朦朧避路野花羞人家平水廟東
頭

前調

辛棄疾

歌串如珠个个勻被花勾引笑和顰向來驚動畫梁塵
莫倚笙歌多樂事相看紅紫又拋人舊巢還有燕泥
新

前調

辛棄疾

梅子生時到幾回
桃花開後不須猜
重來松竹意徘徊
慣聽禽聲應可譜
飽觀魚陣已能排
晚風挾雨喚歸來

前調

辛棄疾

不世孤芳肯自媒
直須詩興與推排
不然喚起酒邊來
自有陶潛方有菊
若無和靖即無梅
祇今何處向人開


前調

辛棄疾

欽定四庫全書

御選歷代詩餘
卷六

臺倚崩崖玉滅痕
青山却作捧心顰
遠林烟火幾家村
引入滄浪魚得計
展成寥闊鶴能言
幾時高處見層軒



御選歷代詩餘卷六